

容

齋

詩

集

峙者吾知其為山而莫名其何以峙流者吾知其
為水而莫名其何以流潛者吾知其為魚飛者吾
知其為鳥而莫名其何以潛何以飛容廔之詩吾
心知其佳而口不能言其佳云何念余生平所交
相淬礪者童穉即得王子田夫次得梁子秋谷次
得董子惟園張子蘭谷最後乃得茹子容廔容廔
少余垂三十歲十數年來余有所作大半與容廔
相酬唱容廔之起我者多矣然余於容廔匪特三
舍避且將豎降旗矣容廔優游多暇茶香酒醪隨
意抒寫其性情而余亦於謀生蠶繭自纏惟日與

童蒙相周旋容坐牙籤萬軸左圖右史沉酣其中而不厭而余插架無幾謹守殘編幸漢書尚在耳容坐踔厲奮發落筆千言興到輒不能自休而余槁木寒灰硯田久蕪老懶幾不可復鼓余於容坐安得不為東野之拜哉容坐於學無所不該詩特其一斑耳而亦不專一門自漢魏六朝唐宋元明迄今今作者皆挹其醇而去其疵得其神而遺其貌以自成一家人之言余每讀之望洋而驚第嘆其才之豐學之博思致之超忽與筆力之矯健而已前謂不能名其佳而取譬於山水魚鳥非誇詞也

然則容參之詩固不俟將來而已足傳矣况其年
力足恃復深以將來之養乎因慨相與淬礪之人
秋谷歿已二十餘年今歲田夫又歿余與帷園蘭
谷雖在而亦已俱老矣撫厥年力能毋羨吾容參
故余之序斯集也既深服其詩之佳而又不能無
槩於中云同學世弟任大廩頓首拜撰時乾隆庚
寅重陽後四日也

如子文靜早歲即以能詩名里中老友王田夫任
白妃每謂愚文靜詩他日當不止雄視綿上迨逐
當代其凌卓越當與古作者馳騁愚讀其詩已
覺有出水芙蓉在霄絳雲之致歲庚辰遂因王任
定忘年之交聆其言論品隲百家縱橫名理原原
本本知其寢食于茲者已深矣嗣此即景抒懷每
相倡和詞筒注復殆喪虛日然文靜少時屢困童
子試入成均後又屢困襍試鬱鬱不尋意益肆力
於詩古文辭故其所詣律日益細格日益老駸駸
乎信登古作者之堂矣及歲甲申結社樂與著作

已積卷成帙屢屬愚為之點定庚寅冬裒其所為
容參詩抄釐為十集集各自序復以示余而徵言
為愚再覈翻閱詩系主一體自漢魏三唐迄宋金
元明無不供其驅使蓋詩以性情為根柢文靜所
賦得山川間氣本自靈妙故見之風調名枝葉者
自璀璨奪目變化無方不規不摹古而與古俱化
世之舞舞竿鼓逐鼓者殊未可同日語也管沈約
歎謙眈諸賢零落生平意好都盡而喜疲暮得逢
王筠蓋知文章學問甚難其人而况得之遲暮之
季乎愚長文靜三十餘歲得與把酒論文過數晨

夕誠亦疲暮之牽愚雖不敢上擬東陽而文靜則
庶幾無忝阿炬笑念知文靜之淡者王任而外當
莫愚名而文靜亦以愚為孤竹之馬能知其詩故
曰真屬遂綴數語以謎之嗚呼田夫不可復佐矣
試質之西郊其以愚言為何如也乾隆庚寅仲冬
望前二日同學世弟惟園董柴拜書

容叔予寓居京師董惟園刺史書來貽
茹君容竺詩二冊曰此予忘年交亦予之素
相識也盡一言以寵之予之識容竺也十年矣
聞其名則自惟園始憶歲戊寅惟園過魏塘
假館於予香林別墅與雲間潘快雪邑中沈松
阜曹慈山諸丈及浦秋稼錢謨山郢川諸君詩
酒流連靡間昕夕刺史頗以樂郊相擬余豈園
得以生也馬園與刺史談繇上詩家刺史則屈
指王子田夫任子鹵郊梁子秋谷此三人與惟
園各有專集問世所稱四山人集是也其外則

青如子容坐亦以工詩著予時心竊識之未幾
惟園挾秋稼而西壬午予與秋稼會於春明因
獲交容坐一見如舊識相與劇談今古因出其詩
讀之溫厚真贄合三唐兩宋而擷其精華宜其
與惟園有針芥之投而稱之不置爾自刺史歸
晉後快雪松阜謾山鄧川相繼悲宿草靈光歸
然惟在慈山一老迴思昔年文酒之會邈不可
得而繇上詩人秋谷既早歿北聞田夫亦去世猶
得惟園由郊容坐並持壇坫雖同調寡、視吾
邑不已較勝乎矧容坐年力足恃其進境正未

有艾也顧我之所重於容齋者不僅在是壬午之
秋稼得暴疾卒於旅舍容齋偕吾鄉人經紀
其喪且厚賻焉今集中猶附秋稼詩數首其
慳、友誼真不以生死間又非特詩之工也茲讀
其集聊書數語兼重容齋之高義且以道
十年契濶之恩而并以復惟園焉是為序
乾隆壬辰八月嘉善華田居士朱錦昌拜題

容止詩集目錄

卷一

一笑山房初稿五十首

卷二

都門集六十六首

卷三

爨桐集四十一首

卷四

樂與集九十七首

卷五

槐黃集三十八首

卷六

菊隱小草七十四首

卷七

鄴中集三十九首

卷八

言息廬詩七十二首

卷九

卧游集五十三首

卷十

輟絃集六十首

容叅詩集卷一

綿上茹綸常文靜

一笑山房初稿

重光大荒落

少作皆不復存存者自辛已始亦如漁洋山人之刪詩斷自丙申也

雜詩二首

萋萋嶺頭艸
雨露滋鮮新
鬱鬱澗底松
風霜歷苦辛
人生亦何常
隨處爲屈伸
誰信季倫富
遠遜原憲貧
志士貴特立
慷慨慰沉淪
詎必歲寒日
乃可見天真

朱門有交輪蓬戶鮮繼踵木植遘榮枯水流偶通
壅春言古君子獨有周與孔黜黜無所加縫掖亦
自重豈曰召伯棠不若柳下壟貧賤乃驕人觸言
良作俑

題漁洋山人詩後

一代文章仰鉅公瓣香爭欲拜涪翁須知味在酸
鹹外莫謂徒矜獺祭工

盆松

孤勁纒盈尺微聞風雨吟棟梁非所取空結歲寒
心

池魚

江湖未縱志池沼且容身雖有羨魚者幸無垂釣人

雨後晚眺

雨洗高天淨斜陽映碧岑到來堪極目憑眺寄遙心野渡春流漫荒村古木深感懷增浩歎搔首一長吟

古槐訝爲帷園先生賦

我愛古槐如古松
蚴蟻詰屈真虬龍
更愛古槐如古柏
霜皮黛色凝青銅
屯雲溜雨三百載
天矯勢

欲爭天風長夏森森擁秋氣橫空倒疑飲澗虹入
門見者驚突兀幽蔭有若深山中主人繼述先澤
遠水源木本將無同靈星之精相率賦一時風雅
矜詞雄濬冲彥昇皆其選謂石桐西郊鴻篇勒石聲摩
空我來不啻遊槐市刻鵠雕蟲慚未工羨翁堂上
何嬰鑠羨翁堦下何青葱得非亦效庾肩吾之服
槐實遂令顏髮還如童他年自應方雙瞳嗚呼槐
令鬢髮偃蹇於堦東日與幽人逸士相遭逢更千

百歲無終窮

偶作

歛歛原非廊廟材，荆扉只合向山開。日中曝水魚
分子，雨後鋤泥竹引胎。每恤人言知世態，敢云天
意老吾才。卽今長物青氍毹，在倒盡花前酒百杯。

感事

退錄舊作

渴蒸驚心碧血存，傳芭何地與招魂。破窻零落殘
編在，舊館幽陰白日昏。黑孽釀成封豕陣，青山望
斷鴉鴿原。年年寒食吞聲泣，祇有棠梨照墓門。

酷暑中值驟雨頓覺涼爽健人堦下花木
清妍亦復改觀

朝暉毒初蒸，午氛暑復煽。披襟謝賓從，散髮親几

視莫遮庾亮塵空揮婕妤扇山雨忽芊眠爽氣掃
煩倦油油懷良苗奕奕憶芳甸况吾愛吾廬凱風
泠然善詎必人境殊頓覺炎涼變竹淨媚幽窓蕉
展蔭深院如坐簷荀林優曇時一現澄懷澹無豫
畢望生遙羨偶誦旧家詩爰披高士傳阿誰會此
心當杯傾缸面

秋興

連天衰艸送歸鴻淒絕關山一望中蟋蟀語彈金
井瑟芙蓉秋老鯉魚風刀頭自古悲秦月仙掌於
今憶漢宮寥落天涯遊客倦誰將恨賦擬文通

玉階怨

盡日無人處含情對鏡時
預防愁蹙短學畫最長
眉

卽事

便腹寧經笥閒牕足晝眠
無端破幽寂花片落琴
絃

次韻

王 儒

颯爾涼風至翛然穩晝眠
囊琴撤不具那更理
鳴絃

秋村晚歸

策蹇孤村外秋深景物閒
幾鸞黃葉路數點夕陽
山古木栖鴉亂遙天候
雁還臨風樵唱起回首
暮雲間

村落杪秋迴追呼胥吏稀
溪流清繞屋霜葉冷
雷衣山寺日初夕杖藜
僧未歸籬間火吹幾戶
掩柴扉

卧病經年足跡久不履
郊野適容參以秋
村疏歸卽事詩見投有
幾鸞黃葉路數點
夕陽山之句清興宛然
因次韻二首

董 柴 帷 園

落葉紛幽徑，蕭齋盡日閒。
開牕延遠岫，隱几夢前山。
秋色懸圖畫，誰人數往還。
何當重理杖，乘興過田間。

散策秋邨，莫探幽似爾。稀哦詩月滿袖，訪菊露沾衣。我亦閒情，遠年來故國歸。
余庚辰歲南遊始歸却憐心跡在，衰疾掩林扉。

王佑田夫

谿徑幽尋好，平蕪野望閒。
晚烟低蘸水，斜日正啣山。
墟靜人初散，林昏鳥倦還。
遙空誰撥墨，斟酌緩迂間。

極浦秋雲澹林臯木葉稀風高防落帽露重欲
侵衣遙羨尋詩客微吟向夕歸前邨烟舍遠秋
月滿荆扉

任大廩 西郊

蒼然來暮色心景兩俱閒帶葉聽流水連雲看
遠山徑危扶杖過吟慙擬書還讀爾烟霞句引
予郊野問

窮廬株守久勝地讌遊稀今日還明日生衣換
熟衣輸君隨意出乘月鬪歌歸餘興能過我當
開白板扉

張聖訓 蘭谷

何地風光好，邨行景色閒。
秋聲來野樹，紅葉滿青山。
鳥倦投林宿，人遊及暮還。
遙看烟火起，明滅翠微間。

孤邨經過處，日夕見人稀。
寺遠微聞磬，風涼欲透衣。
遙空賓雁去，隔隴牧童歸。
料得行吟至，纖纖月映扉。

容參秋邨近作諸同人和者甚夥，予歸館後，因亦次韻附於簡末。

孫榮前 晉源

夙有登臨興，清遊羨爾閒。
白雲依遠浦，紅葉點

秋山谷口日將下渡頭人未還新詩工渲染置
我畫圖間

蓬朝困塵鞅好友晤言稀積雨艱符軟飛霜冷
客衣君身真灑脫驢背澹忘歸觸目皆詩境微
哦到竹扉

浦 鐘秋稼

蟋蟀聲中路飄蕭物外閒斜陽來遠樹老眼入
秋山楓葉戰不落旅巢空復還賓鴻如有意噉
噉暮雲間

隔岸邨春晚渡頭人影稀細流寒石齒古木護

苔衣歲事行將暮，天涯人未歸。
應憐仲蔚室，落葉滿雙扉。

梁璠充齋

晚烟迷古道，歸騎自閒閒。
風隕高低葉，雲翳遠近山。
籬疎聞犬吠，溪曲見樵還。
翹首嚴城堞，依稀燈火間。

日暮風蕭瑟，孤邨過客稀。
殘霞明樹杪，清露點人衣。
滯石寒泉咽，棲林倦鳥歸。
疎鐘初動處，梵放掩禪扉。

秋晚齋居寡營容益以秋邨晚歸詩見示

依韻酬之

儒齋

蓬門深落葉心跡兩蕭閒把卷支高枕開窓看
遠山浮雲舒復捲暮鳥去仍還輪爾多幽興新
詩王孟間

結茆東郭里地僻往來稀杞菊聊充膳芰荷可
製衣看山常早起行藥每遲歸忽報詩筒至呼
兒一啟扉

王書常 素亭

荒邨歸去緩幽興晚來閒楊柳飄黃葉牛羊下
遠山平疇人影亂深樹鳥飛還無限悲秋思狂

吟夕照間

雉堞看將近行人路漸稀鐘聲來古寺秋氣逼
寒衣策蹇穿林過敲詩載月歸到來渾不倦
僕候荆扉

歸自半壁山房用董帷園使君停雲集柯
字韻却寄兼呈晉源夫子田夫西郊秋稼
三先生

列坐高齋飲且哦古槐清影墜龍柯詩餘鱗爪輸
珠得是夕聯句諸公多有警句酒到羊劉愧罰多水竹垞詩我若當年未
座便應罰一辨香中曾敬祝三層樓上此經過只
酒似羊劉

今擁鼻空相效篆刻雕蟲謂我何

短詩行

雨雪在野蟋蟀在房我獨何爲不傾一觴一解誰爲

秦聲我則拊缶嗚呼伯倫寧聽婦口二解嗟彼鴻雁

忽罹於弋誰實爲之使我心惻三解鼓瑟吹笙微吟

短歌心之憂矣云如之何四解甘則有蔗苦則有荼

物之不齊亦有已夫五解鼎鼎百年爲歡幾時今者

不樂歲月其馳六解

九日充齋招飲卽席呈西郊先生

疎雨廉纖節候催東籬小集亦悠哉
黃葉蕭

蕭下近座寒花故故開許共清言霏玉屑愛從高
戶倒金壘獨憐往事成惆悵

昨歲余與諸同人醉
有九日唱和之什

把茱萸又一回

漫說難逢笑口開三秋高會此追陪紫髯堂上能

畱客黃葉聲中共舉杯愧我名場殊潦倒知君岐

路亦徘徊

時西郊方欲
乘舉子業

今宵叢菊堪相對莫使城

頭鼓便催

寄題魏塘曹慈山先生侯廬

遍種梅花近百株侯廬風景世應無他時好覓傳

神手寫作邠卿壽藏圖

原作

曹庭棟六圖

余欲擇地作壽藏久矣庚辰冬適於北關外
得隙地卜之吉喜而賦詩時梓續絕勝未竣
竊以詩附於後地屬永七區之永宇圩因名
永宇溪莊擬自題墓碑種梅數十樹構屋於
旁顏曰侯廬其右隔水爲問心庵架小橋卽
屬庵僧守焉

覓得栽梅地數已生遊死卽葬於中天然永宇
名稱當虎墪橋西靈塋東

觀米書戲作

秋蛇春蚓還稱妙野鷺家雞莫浪猜可惜蘭亭無
覓處空將心力學重臺

次帷園夢遊常樂園韻

幾度清遊役夢魂素心人尙憶南園琴樽瀟洒聯
新咏花竹依稀擁舊軒一枕蝶床寧幻誕百年駒
隙第朝昏浮生我亦難回首感慨輸君藻思繁

柴

一枕清遊欲斷魂十年踪跡此林園依然花竹
藏三逕別有風光綴小軒舊雨乍逢憐歲久老
懷相對話燈昏那堪夢裏還占夢

夢中得上聯
余曰古人云

乍見翻疑夢今日情
事殆恍然如夢中也
葉落秋窻月影繁

聖訓

聞提往事摠消魂入夢清遊到小園君愜心期
尋舊路我悲手澤冷高軒先君子題園中臺日曝書雲山有
興誰登眺風月無情自曉昏步履何時真再過
籬邊霜菊正花繁

鏗

搗頭頽枕役吟魂向說重過常樂園依舊琴樽

聯雅集

夢中同石桐西郊
共吟席如疇昔

斬新風月貯幽軒

主人

蘭谷於園中架榭
新軒爲開樽焉

滔滔詩句秋堂永了了襟顏

篝火昏何限人間空擾擾古槐葉落正紛繁

榮前

往跡多年繫夢魂依然訪勝集南園覓畱題處
苔生壁記泛觴時水繞軒儼接清談人繾綣渾
忘歸路月黃昏覺來幻出新吟好一幅雲箋屬
和繁

題朱竹垞詩後

七品官如殘夢短布衣詩已衆人傳只今江左畱
風雅未許錢吳薄後賢

偶作

舜花欣及日黃楊嗟厄年新黃翻就悴舊枿或再
妍盛衰詎有定胡爲患求全保真歸淡漠曠觀謝
拘牽直節若方竹慎無規而圓

秋水

蕩漾虛明寫浪圓浸涵秋色更年年波沉皓魄疑
雙月影倒長空有二天夜漲風驚鷗鷺起舟回人
伴荻蘆眠獨憐東注無還日嗚咽常聞古渡邊

歲除感懷

換罷神荼百感餘小牕呵凍復抄書空憐獻歲屠
蘇在邗笑卑飛斥鷃如往事幾番羅鼠雀壯懷強

半付蟲魚懸知此後寒
威滅取次春風到敝廬

容叟詩集卷一

容齋詩集卷二

綿上茹綸常文靜

都門集

元默敦祥

歲已卯余始遊京師時家難未靖變端遽起
三月而返止得詩十餘首壬午嘉善友人浦
秋稼來介旋緣秋試與余先後入都既至余
以病未獲與試而聲之則無疾而逝應求無
人風味轉墜故徃返凡八閱月所得亦寥寥
無幾哀爲一集以誌旅况

都門咏古十首

已卯作

蕭蕭落日故城隈
往蹟金元半草萊
馬骨千秋原
僅事居人猶說小金臺

瓊華烟月舊清輝
回首妝臺憶禁闈
聞說南城有
蘭若寶幢曾祀李宸妃

背番蓮掌促箏琶
管領還推迭不花
舞罷天魔供
奉曲月宮新試五雲車

掃雪三千蒼震門
揀花佳話並堪論
只今天壽諸
陵在白日茫茫問

初啓文華進講官
影裡肅衣冠
憑誰半部留
論語好與君王策治安

檢玉泥金已不存
空將施藥憶雷軒
承恩獨有分
宜相別構青詞奉至尊

錢寧陸炳勢相高
羅織當年痛汝曹
記得宮中傳
警蹕錦衣齊佩繡春刀

經筵舊侍袞龍傍
展講頻將漚手香
昨日御批傳
帖下閣臣差授內書堂

午刻清仙晝漏遲
天顏空許侍臣知
諸司莫笑東
衙賤過錦先看進水嬉

炙手誰能避網羅
生前祠宇鬱嵯峨
迄今穢蹟銷
除盡委鬼茄花憶舊歌

題四二首

漫說冥鴻未可求，蕭蕭常伴荻蘆秋。
寒烟歷亂鳴前浦，暮雨霏微聚遠洲。
顧影已空，縉繖慮呼羣，豈有稻梁謀。
相看無限瀟湘意，都向崔徐筆底收。
雁誰從九畹，問滋蘭點綴，真堪寄素紉。
入夢定教徵服御，當門那許斲摧殘。
已知衆草難爲伍，且引孤桐獨自彈。
好向千秋結，延佇閒窻，留共楚騷看。

雜咏六首

兩岸樓臺入畫圖，仙源搔漾憶西湖。
九重春色真如海，御柳籠堤一萬株。

玉竦橋西太液東層層花柳媚春風禁城未敢多
時立圓殿隨過指點中

冰盞聲聲破晝眠朶願時節雀披綿遊人正好高
梁去梅雨偏逢酒色天

綵仗爭看洗象回喧闕夾道正如雷千錢市得銀
苗菜繫馬高樓共把杯

懶將故事紀中元乞巧輸他兒女喧淋罷麻糝秋
雨飽曉窓閑看五生盆

歸思誰能淺季鷹毘盧高閣正堪登居人爭說孟
蘭會泡子河邊看水燈

將之燕京留別諸同人二首

四年兩度渡桑乾回首金臺暗自嘆此去更勞知
已念敝裘羸馬怯春寒

席帽趨時意惘然憑誰重賦帝京篇春風艸綠房
山路獨訪遺踪弔浪仙

送容叅入都

佑

芳草王孫去長安我舊遊囊中佳句在米貴不
須憂

柴

望中芳草正萋萋却值王孫散馬蹄此去關山

千里外燕鴻何日到汾西

容叅將之燕京有詩留別次韻送之

大廩

離筵莫遣酒杯乾回首家鄉定永嘆行李今宵
憇何處春風旅館尙餘寒

此身匏繫每悽然臨別唯能賦短篇俸錢誰過

大槐路輕車共載若登仙

吾邑郭有道祠前有漢槐一樹東郊餞別

多在
此地

鐘

歡聚旋爲悵別情束書且晚入 神京學從東

觀儒中出身在西都賦裡行先我着鞭輸祖述

更誰懷刺似禰衡

夏仲提有修門之行

城南暫作幽棲計

早有疇人識姓名

來書云寓居南城

聖訓

越此佳風景觀光到上京
長途過雨淨芳草
逐陽生預想吟懷暢
應知別緒縈
新詩何婉轉
感我暮雲情

平定道中有懷故園諸同志

回憶論文日重增
別思悽夢縈
汾水北路遠
井陘西村落
雞爭唱風塵
馬獨嘶
懷人搔首處
芳艸正

萋萋

宿橋頭村

一望荒涼野市稀蒼茫山色復周圍春風草長黃
泥壁落日人投白板扉習俗翻憐異地好土音漸
覺故鄉非年來踪跡如蓬轉底處林臯可息機

井陘關詞

土門前後山崒嶂巨防重疊若比櫛西來氣欲壓
幽并大行八陘此其一我行懷古弔淮陰斷糧背
水真無匹在昔茲地嗟與尸燐火千年慘落日破
成安君何足言李左車亦誠傑出迄今雄關復亘

橫旌竿森布滿雲直聖朝有道守四夷當闕豈藉
一夫力乃復居安不忘危戍樓依然留絕塞承平
欣看烽燧空高秋閒聽吹觱篥丹崖翠巘豁雙眸
錯愕轉使羈愁失僕御緣棧足繭重飛度安能生
羽翼須臾冥色落征鞍山店塵囂始一息挑燈漫
誦偈仄行意氣還堪代捫蝨

井陘道中

徑絕峯廻勢不停暮雲遙隱亂山青懸車正自嗟
天險又報郵籤過井陘

楊忠愍公祠

一畝荒祠驛路塵
永陵往事痛孤臣
遷早決劍
姦志兩踧終
殲報國身
秦檜東窓虞
養虎龍逢北
關仰批鱗
迄今草莽間
評論尙爲前
朝惜此人

蝶

誰把輕紈製舞衣
百花深處羨靈飛
謝家詩句勝
王畫尙恐丰神似爾稀

雜感

獨坐遺塵事忽忽
生煩憂庭草隨芳
茁池魚肆泳
游胡然七尺軀
乃爲跼踏羞嘉
卉雜荆棘坦途
潛
戈矛金石有時
毀中懷無斷休
徘徊重徘徊
淚下

不能收

輓浦種稼

旅舍懽悰幾日遠人琴忽已痛俱非河汾講席空
成夢橋李家山尙待歸剩有清風悲馬磨轉多遺
累念牛衣方干羅隱同君恨魂魄無勞怨棘闈

題輓浦秋稼詩後

大廩

隨計他鄉轉 帝畿別時寧料卽長違傷心七
字淒涼甚橋李家山尙待歸

偶作

垂垂絲柳覆檐牙簾捲風輕燕子斜日午無人來

小院牆陰開遍水蒨花

孫默菴比部席上贈歌兒

小部新聲第一家
雛鶯嬌轉燕輕斜
只今識得櫻桃
鄭懶問長安路畔花

金鳳花

秦樓亦已杳誰與錫佳名
不分羣芳歇翻輸小艸
榮九苞看錯落千點艷
輕盈女伴誇纖指金盆搗
月明

弔文信國

一代文丞相千穉李侍郎
南朝真不忝故國復何

望滄海廻風急崖山落日黃只今餘碧血惆悵教
忠坊

涿鹿道中

一綫前途指白溝戰場終古憶蚩尤敢憐憔悴青
衫客又逐秋風過涿州

正定道中有懷田夫

秋風渡易水落日滿常山遙憶王摩詰蕭然正閉
關

筌篔引

世間怪事那有此呼公無渡公不止中流怒浪高

蹴天公竟渡河墮而死公乎公平胡爲乎提壺乃
不少踟躕白首失足真狂夫寵醜之窟鬼爲徒瑩
篋一鼓聲鳴鳴

國朝諸名家逸事雜詩

撚指香奩語倍工瑯琊風調許誰同宣尼廡下寧
無分千古情癡屬考功

西樵

一集穠筍總斷腸驚才絕艷有吳郎空嬌塞上人
何在紅粉猶然憶倩娘

漢槎

生綃小像寫雲郎贏得詩人有贈章爲問如臯諸
好事迦陵可減牧之狂

其年

一家都解愛青山才子江都杳莫攀吟取東風紅
豆句憐才終許屬紅顏荀次

引滿休辭醉錦筵學山風調亦翩翩名花擊賞唯

蝴蝶枉使春心托杜鵑學山

蕙叟風流與古期青溪悵絕數行詩阿男更自多
佳句流水樓鴉艷一時伯紫

風月揚州憶故侯冶春猶自唱江樓秦淮白下多

名士畢竟還渠第一流漁洋句
也阮亭

綠窻擁髻每淒然坐月新圖絡隱傳誰似漢陽老

蕩子半生辜負蕊珠仙雲田

新詞曾譜竹枝工按拍揚彈興未窮彭十風情誰

比擬秦淮海與柳郎中

羨門

洗馬聲名自不羣流虹往事已如雲如何雙漿三生句尙有閒情到阿芸

元禮

奩艷爭傳弔宛君影梅菴語寂銷魂宜與歸德先

朝露爲湖高風水繪園

辟疆

奉常詩句真才子闌入閒情艷絕多別有閨中高格在詞人空說顧橫波

芝麓

逸事虹橋說賣花小香居士野人家何來筆墨關

卿事

西樵贈
宗句也

只種東陵五色瓜

定九

卧病文園納艷姬
新涼爭唱合歡詞
還聞送客揚州句
不減微之與牧之

蛟門

漫說東山躡屐時
縱情聲伎有餘悲
而今南部烟

花盡尚憶梅村艷
體詩

梅邨

彈盡明光調
孰同更饒奇氣
與雄風平生詩句
柴

窰片撒手龍興
四大空

公戲

紅藥吟不自羣
回堂春闋又傳聞
如何叩閣蓮

花伎獨愛新詞
乞細君

玉川

供奉仙才自一班
酒罍醉卧不知還
閒來賦得閒

情就傾倒錢塘
陸講山

竹垞

蘇臺吟卷欲飛香，
留得蕭騷柳數行。
聞說清門亦零落，
可堪重弔乞花場。

鈍翁

生小豐臺羨好姑，
微名偏作佛花呼。
官貧妻忌渾閒事，
歲歲將離憶曼殊。

大可

短祝詩名迥自奇，
憑他鷲矢復爭持。
冬青一去成惆悵，
繫下空傳見給時。

葯園

畫品推神字，
換鷲譽兒漫詫癖。
何多若非山左王，
貽上才美誰堪勝哥哥。

邵村

燕臺七子仰齊鑣，
名儷南施固自超。
早是此中多壘塊，
又傳新劇祭臯陶。
荔裳

直沽花月最清妍風景何妨裂老顛
自談籠人去後百年猶剩海漚傳
節山

容叅詩集卷二

容全詩集卷三

綿上茹綸常文靜

饜桐集

昭陽協洽

坎珂以來畧親風雅凡有所作輒爲帷園田
夫西郊三先生所許可以爲有絃外之音余
愧非良材敢以焦尾自况亦期副三先生之
意云爾

元旦

比戶猶喧爆竹聲蕭齋睡起已平明送窮曾未如
韓愈懷刺寧煩效正平柳欠伸時春乍轉梅低亞

處雪初晴閉門且喜渾無事雀舌閒烹解宿醜

春邨卽事

水淺橋平酒旆高幾株人柳復周遭當門不少前
裙女占斷春風是鴨桃

榴花二首

艷質塗林迥晴烘萬綠叢朝榮羞露槿晚赤笑霜
楓莫惜春無及翻憐色是空羅裙寧足妬獨立對
炎風

愛爾好顏色相從屢月看日華流古錦霞綺歷雕
欄尙覺閒情在應知真賞難偶緣諧俗目攀折轉

堪嘆

口號

几拭瑤琴潤堦侵繡蘚斜一枝新照眼紅破石榴
花

無題

花底微聞響屐聲愔愔三月殢閒情每逢佳麗眉
猶舞詎有豪華目與成北里諸郎工蹴鞠東鄰小
婦解鳴箏紅樓十二熏蘭麝一任春風老荳蔻

題桃花扇傳奇十首

馬阮當場傀儡同蟲沙四鎮總成空可憐南渡傷

心史都入云亭樂府中

江左繁華事不堪空將跋扈恨寧南笑他漢水樓
船戰未及春燈舞宴酣

壯悔還從鬪穉成梁園公子最知名風懷不減樊
川杜一首新詩解定情

前身應是李師師贏得芳名擅一時莫道却奩多
俠骨何曾眼底有閨兒

時名貞麗亦清芬展轉摧殘對老軍獨有桃花人
面在春風歲歲弔香君

東林復社局消殘板蕩維持一着難太息江濱史

關部梅花嶺畔葬衣冠

一片青溪重有情紅牙紫玉按歌聲而今金粉飄
零盡浪蕩空傳楚兩生

青樓尅鄭摠芳非傳點還聞出禁闈試看揚塵東
海日輸他卜賽學元機

華表歸來鶴姓丁興亡往事付諸伶滄桑聽盡漁
樵話不是愁人亦淚零

絕調寧同燕子箋重開壇坫繼臨川休言情種關
兒女可作南朝野史傳

雨中讀坡翁詩集有感卽次集中書王定

國所藏煙江疊嶂圖韻

空濛雨氣欲沉山，黑雲翻墨濃青煙。須臾忽驚檐
溜急，揚琤澎湃還依然。空齋無事坐硯北，呼童敲
火烹清泉。坐久更覺雨聲怒，颺風掣電疑奔川。維
時閒緒玉局集，百靈萬象森吾前。萬斛泉源不擇
地，蛟龍夭矯蟠青天。有時修羅來，天女遊行自在
猶。雄妍與人家國空，遷謫未得歸耕肩。山田君不
見，諸芋熏鼠來僂耳。頭纏八餅賜，何年自古文章
慣。憎命莫與時世爭，嬋娟何如落拓進。尊酒高枕
閒窓聽雨眠，我生命亦在磨蠍風流寧。敢祈蘇仙

自顧原非肉食相與世反多毀譽緣把
公詩卷三
嘆息不啻示我歸來篇

苦雨

一雨連三日堦深半尺泥蛙聲還鼓吹雲脚正低
迷畧覺含秋意方將慮夏畦晚來檐溜急何處望
晴霓

題友人座上荷花

綠窻人靜瀟瀟雨虛閣涼生面面風十丈空鱗太
華種含香初拆膽瓶中

靜觀圖

雅集聯遊屐名園宿雨收虛樓堪眺遠小洞別採
幽竹密攢微徑泉分匝細流十年重到此載酒一
相酌

七夕後一日一笑山房讀西郊近詩有感
序入新秋最易悲論文尊酒暫開眉昭回雲漢思
空濶巧奪天孫句陸離世事已看青鬢改愁心空
許白鷗知相將莫倦追風足幾見鹽車困不羈

次韻

大廩

秋氣從教宋玉悲誰能對酒復攢眉相逢一笑
成歡會却悵雙星倏別離抱葉齊蟬空自怨舍

情楚雨有人知
追風健足君應
騁衰白何堪更
負羈

坐雨

夜窻闌滴漉曉來紛未息
雨氣散炊烟漠漠有昏
色庭蕉拆已披井桐淨如拭
感茲耳目目前淡然杳
無極坐久欲忘言幽意誰能識

寄帷園次西郊韻

侵尋感物序逸興其如何
晚歲幽居好故人還夢

過西郊有夢過
半壁山房詩

秋光澹不極蟲響遙相和

雍陶詩
砂磴聽

已別蟲響
復相和

我亦勞殷思微吟當晤歌

次韻西郊初秋卽事之作

清風消酷暑，爽氣襲幽襟。幾滴梧桐雨，時聞蟋蟀吟。
疎花作意好，遠岫入秋深。詩境叅微妙，知君有會心。

愁霖嘆

協洽之秋十日雨，神蚪出沒商羊舞。四顧陰晦風蕭颯，鴟梟晝啼蟲聲啾。蒿田疇野老哭，一家終歲愁。仰屋陽曦安得升，腸谷。

復雨

薄晴生黥黥，淫潦轉堪嘆。是處新秧好，難禁十日。

寒關河孤雁杳風雨一燈殘
愁聽辭林葉紛飛下
井欄

癸未初度

扣角情懷付杳茫猶堪跋扈少年場
雪霜早見安仁鬢風月平分杜牧腸
北雁關山秋欲晚東籬詩酒菊新黃
童心漫說渾如舊縞
行年來半老蒼

重陽後一日初霽次西郊韻兼寄田夫

未許衝泥客到門却憐高卧似文園
一林宿雨楓初戰萬里迴風雁自翻
滄海雲深空碧落小窻秋
迥易黃昏詩成獨抱懷人思
尊酒憑誰與細論

次韻酬容色

佑

連朝風雨掩蓬門，老去生涯擬灌園。忽枉長牋

詩別裁，共填小令譜新纒。

近諸同人多倚聲唱和

茱萸有

分身猶健，杞鞠無功，眼漸昏。惆悵芳辰同索寞，勝懷畱待剪燈論。

枕上口號次西郊韻

木落風聲乾，庭空月色冷。欹枕夢回時，虛白無多影。

原韻

大廩

閒窻明月光，空庭老樹冷。風來樹有聲，頻動月

中影

佑

夢斷竹驚風枕上生虛冷
窻外月如霜不定
想

樂影

璠

落葉喧幽塔
窻隙含風冷
欹枕不成眠
挑燈對

孤影

儒

颯颯響秋風
夢回霜月冷
枕畔聽鷓鴣
鴻想像翻

孤影

步出城東門

步出城東門落葉紛阡陌天未盪孤烟人家在林
樾地僻寡喧囂場圃有豐積顧我事硯田終歲無
一獲未能如老農詎云效誕伯究心常不夷撫景
良可惜秋氣肅以深清暉澹將夕永懷遲暮憂風
光嘆超忽

同作

佑

步出城東門野曠天宇潔涼飈從西來滿目紛
暮節遙山帶晚霞寒林葉盡赤荒烟野水沉澗
落何清澈興來遵渚行孤筇信所適物理戒履

霜中懷淡若雪機心余久忘鷗鷺何須惜

雜興寄惟圓田夫西郊

秋氣薄林木逢夜何蒼蒼涼飈散清微浩露沾衣
裳空堂鳴蟋蟀明月生東方人生苦物役誰能謝
世韜我欲涉洪波浩漫無津梁我欲陟層阿嶮巖
阻且長俛仰夫何如怒焉心內傷流光復易逝少
壯安可常夙志存慷慨永念徒徬徨幸多素心人
品望如珪璋傾懷論風雅每荷折輦行感茲蒹葭
思緬彼白駒章偶爾別旬朔行首難遽忘會必從
之遊遠道期相將所慚在下鶩無以當驢驢願言

有贈答穉穉聊前颺

次韻

大廩

深秋多零雨被砌苔薛蒼守舍悶填臆出門濕
沾裳所思雖不遠何殊天一方譬彼伏櫪馬動
止制長韁蘭章意外投含意何深長誦詩如聽
歌餘音猶繞梁使筆如運斤聖盡鼻不傷繫我
嗟才盡頭鬚已改常高深許登涉瞻仰時傍徨
謬承君許可如圭復如璋談詩晚得君解人疇
輩行吟哦盈卷軸炳蔚成文章莫嘆津梁絕凌
波旋已忘莫嘆嶮巇阻仰山能自將豈有千里

途而能困肅驕矧君異嚴茂攀推少而颺

秋夜同田夫西郊充叅談藝兼懷晉源夫

子

閱世增惆悵懷人抱鬱紆天寒木葉盡夜迥塞鴻
孤疑義堪相析詩篇可共娛何當問晉水消息近
來無

歲暮簡西郊

土牛臘鼓春將回紛紛歲事交相催甕頭家釀適
初熟屋角梅花纔半開俗客還防敗人意新詩且
喜爲君裁圍爐紙帳亦清絕明朝勿憚衝寒來

容齋詩集卷三